

Lôháneh Khòaⁿkìⁿ SiōngChú tī Thiⁿténg ê Póchō

4 Jiānāu, góa koh khòaⁿkìⁿ thiⁿténg ū chít sīⁿ m̄ng phahkhui, koh thiaⁿkìⁿ góa thâu chít pái số thiaⁿkìⁿ ê chhinchhiūⁿ kóchhoe ê hiángsiaⁿ tùi góa kóng, “Lí khí-lái chia, góa beh pò lí khòaⁿ chít kiāⁿ chionglái ittēng ē hoatseng ê tāichì.” 2 Góa sūisī siū Sènglêng kám-tōng, khòaⁿkìⁿ thiⁿténg ū chítê póchō, koh ū chít ūi chē tī póchō téngbīn. 3 Hit Ūi ê bīniōng chhinchhiūⁿ phekgék kah ângpóchiòh teh hoat kng. Póchō ê chiuūi ū khēng ūi teh, khòaⁿ khí-lái ná chhiūⁿ lékpóchiòh. 4 Póchō ê chiuūi ū jīcháp-sì ê chōūi, téngbīn chē jīcháp-sì ūi tiúⁿló, sin chhēng pēh saⁿ, thâu tì kimkoan. 5 Tùi póchō hoatchhut sihnà, hiángsiaⁿ kah tânlúi ê siaⁿ. Póchō chēng ū chhit ki tenghóe teh tòh, che tòh sī SiōngChú ê chhitê lêng. 6 Póchō chēng ū chhinchhiūⁿ chúichiⁿ hiahnih chheng ê polêhái. Póchō ê chiuūi ū sī chiah oáhmih, chēngāu kui sengkhu lóng ū bákchui. 7 Thâu chít chiah oáhmih chhinchhiūⁿ sai, tē jī chiah oáhmih chhinchhiūⁿ gúⁿá kiáⁿ, tē saⁿ chiah oáhmih ê bīn chhinchhiūⁿ lêng, tē sī chiah oáhmih chhinchhiūⁿ teh poe ê eng. 8 Hit sī chiah oáhmih tak chiah lóng ū lák ki slt, sengkhu lāigōa bákchui móamóa sī. In jitiā bô thēng, ittít teh chhiūⁿ,

Sèng chàì! Sèng chàì! Sèng chàì!

Choānlêng ê Chú SiōngChú,

kòekhì chūnchāi, hiānkim chūnchāi, chionglái mā ē éngoán chūnchāi.

9 Tak pái hiahê oáhmih kā êngkng, chunkùì kah kámsiā kui hō chē tī póchō, éngseng ê Hit Ūi ê sí, 10 Jīcháp sī ūi tiúⁿló tòh phak tī póchō chēng, kèngpài oáh kàu bānsètāi bô chīn ê Hit Ūi, koh kā in ê êngkoan khng tī póchō chēng, kóng:

11 Goán ê Chú, goán ê SiōngChú,

Lí engkai tit tiòh êngkng, chunkùì kah koānlêng,

inūi Lí chhòngchō bānmih;

約翰看見上主 tī 天頂 ê 寶座

4 然後，我 koh 看見天頂有一扇門 phah 開， koh 聽見我頭一 pái 所聽見 ê 親像鼓吹 ê 響聲對我講：「你起來 chia，我 beh 報你看一件將來一定 ē 發生 ê tāichì。」 2 我隨時受聖靈感動，看見天頂有一个寶座，koh 有一位坐 tī 寶座頂面。 3 Hit 位 ê 面容親像碧玉 kah 紅寶石 teh 發光。寶座 ê 周圍有虹圍 teh，看起來 ná 像綠寶石。 4 寶座 ê 周圍有二十四個座位，頂面坐二十四位長老，身穿白衫，頭戴金冠。 5 Tùi 寶座發出 sihnà、響聲 kah tân 雷 ê 聲。寶座前有七支燈火 teh tòh，這 tòh 是上主 ê 七個靈。 6 寶座前有親像水晶 hiahnih 清 ê 玻璃海。寶座 ê 周圍有四隻活物，前後 kui 身軀 lóng 有目 chiu。 7 頭一隻活物親像獅，第二隻活物親像牛 á kiáⁿ，第三隻活物 ê 面親像人，第四隻活物親像 teh 飛 ê 鷹。 8 Hit 四隻活物 tak 隻 lóng 有六支翼，身軀內外目 chiu 滿滿是。In 日夜無停，一直 teh 唱：

聖哉！聖哉！聖哉！

全能 ê 主上主，

過去存在，現今存在，將來 mā ē 永遠存在。

9 Tak pái hiahê 活物 kā 榮光、尊貴 kah 感謝歸 hō 坐 tī 寶座，永生 ê Hit 位 ê 時， 10 二十四位長老 tòh 仆 tī 寶座前，敬拜活到萬代無盡 ê Hit 位，koh kā in ê 榮冠 khng tī 寶座前，講：

11 阮 ê 主，阮 ê 上主，

祢應該得 tiòh 榮光、尊貴 kah 權能，

因為祢創造萬物；

bānmìh ē chūnchāi kah siū chhòngchō lóng
sī chhut tī Lí ē chí.

萬物 ē 存在 kah 受創造 lóng 是出 tī 祢 ē
旨意。